



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 54. Synodi translatio proposita.

[urn:nbn:de:hbz:466:1-66608](#)

§. LIV.

Sæcul. XVI.
A.C. 1546.*Synodi translatio proposita.*

Die decima tertia ejusdem mensis Ju- *Pallav. l. 8.*
 lii generalis habebatur Congrega- *c. 5. n. 1. & 2.*
 tio, in qua Montanus Cardinalis pro-
 posuit, quod de aliis duobus justifica-
 tionis capitibus conjunctim ageretur:
Eo quod, inquietabat ille, impensa jam cu-
ra in primo discutiendo ad duo proxima
magnam lucem afferret, & præstitutus Ses-
sioni dies seculinam rerum digestionem postu-
laret. Tum admoniti Patres, ut in fu-
 turo Conventu quatuor Prælatos desig-
 narent, qui Decretum circa primum de
 justificatione articulum jamjam discus-
 sum conficerent. Habita est ergo die
 decima quinta Julii præfata Congrega-
 tio, in qua arcanis suffragiis selecti sunt
 Armacanus Archiepiscopus, & Aca-
 censis, Bituntinus, & Bellocastrensis
 Episcopi, qui hoc Decretum elima-
 rent.

Cum igitur Patres suam sententiam *Diar. Mas-*
 circa duos hosce articulos ibidem exa- *sarelli 13. &*
 minandos edicere rogarentur, Pacecus *14. Jul. an.*
 Cardinalis pluresque Archiepiscopi hac *1546. & 23.*
 super re mentem suam aperiebant, mox *Junii.*
 tamen ordine suo sic subjunxit Corcyren- *Pallav. l. 6.*
 sis Archiepiscopus: *haud paratus ad eam*
rem adveni, arbitratus, potius agendum
de

Sæcul. XVI de profecione ex Tridentina urbe, in qua
A.C. 1546 Patres tanto cum discrimine versantur propter imminens bellum, hostiumque propinquitatem: quod autem in me est, nolo iterum in crucem agi. In eadem ferme verba Senensis prorupit, simulque periculum exaggeravit ex fama viðoriæ Ducis Wirtembergensis, qui cum ingenti exercitu capta jam prope Oenipontem clusia, progreedi nitebatur. Materanus se quidem discriminis conscius, non vero ab eo perterritum esse ostendit, paratumque se dixit ad eandem cum Legatis aleam subeundam, mortemque, si opus foret, cum ipsis oppetendum.

Prætensem hoc discrimen Synodo impendens jamjam turbabat Legatos, quapropter illi, antequam ipsis fœdus Cæsaris cum Papa initum innotesceret, hæc ad Cardinalem Farnesium perscripserunt; neque decorum, neque tutum „nobis est, diutius Tridenti hærere, ubi „militibus circumdati haud temere time- „re debemus, ne eorum violentiæ, ac „furori exponamur, præcipue, cum ne- „quaquam Tridentinis vires suppetant „ad repellendos hostium undique concur- „rentium impetus: quinimo ab amico „etiam Cæsaris milite cavendum est, po- „tissimum ob annonæ & commeatus in- „opiam, hinc qualiscunque demum sit „rerum facies, in præsenti rerum vicissi- tudine

tudine nihil opportunius videtur, quam Sæcul. XVI.
Synodum transferre. Verum cum huic A.C. 1546.
consilio quosdam Præfules Carolo Cæ-
sari addictos abs dubio obluctaturos, ac
Tridenti permanuros metuerent, hinc
pariter Farnesium monebant, ut ad pri-
mum belli fragorem, cum Tridenti dun-
taxat ejusmodi Præfules perstituri es-
sent, per diploma Pontificis consule-
ret, ne iis Patribus liceret, quicquam
auctoritate sua statuere, Legatis cete-
risque Episcopis absentibus. His pub-
licis privatas quoque literas adjecerunt,
in quibus tamen ferme eadem prescri-
psierunt. Verum hæc Legatorum an-
xietas displicuit Pontifici, qui nec Cæ-
sarem sibi foedere junctum offendere,
nec Synodum durante bello ad illius de-
fensionem suscepito dissolvere voluit:
quapropter datis literis Tridento disce-
dere, eis omnino inhibuit; quinimo ip-
sus etiam Farnesius Cardinali S. Cru-
cis hæc significavit: „Pontifex majus a-
nimis robur in vobis desiderabat, proin-
„de potius ex armorum apparatu majo-
„rem constantiam exhibere oportet; quip-
„pe hæc arma ad contumaces Concilio
„subjiciendos parata sunt, præcipue,
„cum Tridento discedere perinde sit, ac
„militibus Pontificis stipendia merenti-
„bus diffidentiam inspirare, ac præpedi-
„re, ne suis Belliducibus obtemperent.

§. LV.